

garte, gelegen vor dem hoen thor an der vihe weide, welchs undir in daz ander uberlebt, daz sol den garte gernwlich besiczin und habin, daz es des todin frunde doran nichte hindern<sup>a)</sup> sullin. Actum anno quo supra feria secunda post Mauritii.

a) folgt durchgestrichen soldin

## 124.

1387 Oktober 24

### ***Seelgerätetiftung der Crusin für die Marienkirche zu Zwickau.***

fol. 19v Wisset daz vor uns chomen ist in unser vollin rat Kunne Crusin und hat mit guten willin beschicket und ggebin zu eime selegerethe zcu dem gotshuse zcu Unser Libin Frawen eine schune, gelegen in der Croten gasse<sup>1)</sup> und einen acker by Mergintal gelegen, daz daz nach eren tode dem czu volgen und da bi bliben sol, daz nymand irer frunde chein recht daran habin sol. Actum domini M° CCC LXXXVII ame donerstage vor Symonis et Jude.

1) Vgl. Herzog, Chronik I 73.

## 125.

1387 Oktober 28

### ***Peter Pfannschied verzichtet auf Rechte.***

fol. 19v Wisset daz vor uns chomen ist in einen vollin rat Peter Phansmides sun und hat sich vorczigen an den binen zu der Pöldn allir vorderunge und allis sines rechten mit guten willin, daz er doran gehabt hat. Geschen M° CCC° LXXX° septima die Symonis et Jude.

## 126.

1387 November 27

### ***Hans Storch erhält vor Gericht das Recht zur Nutzung eines Weges.***

fol. 19v Wisset daz Hans Storch an gehegter bank erstanden und mit recht erlenget hat, daz er einen erb weg hat uber Hermans Salvelden acker, uff sinen acker zcu besuchen, der gelegen ist in Osterwiner gerichte und stosset an Hennel Cramer wise. Der weg ist und sol sin ein rechter ymer erb weg und dem egenanten acker volgen ane allin wider sacz Hermans Salvelden siner erbin und alle siner nachkomen. Actum M° CCC° LXXXVII feria quarta ante Andree.